

373
74

I

QVÆSTIO MEDICA,

QVODLIBETARIIS DISPUTATIONIBVS

MANE DISCVTIENDA,

IN SCHOLIS MEDICORVM,

die Iouis xx. Decembris.

M. NICOLAO ROBIN,

DOCTORE MEDICO, MODERATORE.

An Hydropi pectoris, Sectio?

I.

IN Hydropè fit properè discrimen, quod tarda aliquando calamitas claudit. Vt in acutis bis peccare non vacat, sic sæpè sæpiùs serò nimis Medicina paratur. Ne fidas hosti intestino, vltimam quamprimùm perniciem intulit, nec ei parciturus qui pepercerit. Quò tamen nobiliora inquinari exta, eò citiùs de natura triumphat. In locis lentè sæuit; in abdomine periculum ex mora ducit; in capite capital esto: sed in pectore quò grauius præsentiusque periculum, eò magis celocem operam poscit non corbitam. Sublatâ respiratione perit vita, cohibitò spiritu citò citiùs fugit; nec enim vna sufficit hystericis *Aggravon*, quæ infectis pro vitæ

modo satis est : at perfectis animantibus viuere idem ac spirare , animamque protinùs agere videntur , quum non agunt. Quantò cæteris grauius malum , illam ægriùs ducere , quum vitæ lares inundant aquæ , plenumque pectus spatia artat agitandæ irrequietò motu flammæ vitali destinata.

II.

VERVM priusquam operi manum admou eas , siste pedem , agnosce morbum , & quod Aquileges præstant , latentes aquas vno digna artifice τεκµάρσει explora diligenter ; etenim in internis morbis ac in hydropè pectoris maximè , errorem inducunt similitudines. Num indictus ideò Antiquis fuit omnibus præterquam Seni ? Aut quia rarior affectus , nec Græco suppar igni in corde τὸ ζῶπυρον . Satis herclè liquidò prodit subdolæ indolis maleficium impeditior dyspnœa , interpellatura quietem vnicum afflictis viribus solatium ; à qua miselli cum luce reuiuiscunt ruptis subsidente spumâ coctioris pituitæ repagulis. Quæ enim spes recreat vbi somnus laborem parit , fessaque dat ager membra tortori potiùs quam sopori ? erudito periculo protinùs auertendum periculum : ne sis ideò sollicitior an indigena , vel aduena fuerit ἴχθρ ille ὑδρωποειδὺς ? An viscerum nutritiorum χαλεποτάτης ἐξόνου ? Vel coquentis naturæ ignauia , indiligentiâ excernentis , vel errore imprudenti aliò deportantis. Qui semper Hepar reum hydropis facit , ejus immeritò læsi muneris sæpè reus ipse venit accusandus , & cum Pythagora traducendus Atriplicis ἀπίστῃ injustus accusator.

HYdropas vtricularios seu ventris siue pectoris; vt & suppuratos secare, non magis nouum est quam noua Medicina; etsi nonnunquam seueræ innocentisque artis fiduciam vicerit mollior sæculi consuetudo, & in ægri versa perniciem indulgentia præsentanei auxilij. Hæc vna & solida est gratia, quam Natura nescit, vni artifice debes? In Ascite si manum abstineris, nec ausis ferro pertundere aqualiculum; at non sine veterum exemplo tum feceris viam summâ malleolorum cute vulnusculis sauciâ. In pectore verò vitæ inimicior laribus, osseoque vallo tutior seri colluuiēs exantlari omninò nequit, ni desubitò thoracis claustra ferro perfoderis, etiam non præcunte pyrotico. Ecquid enim est operæ pretij, sic vstulare laborantem, aut præsidij morâ (quæ seri quàm puris funestior) diem diffindere? Puncto securitas constat, posticò inter quartam quintamue costam ferrum audacter adige, facto penetrante vulnere per interiecta ^τ μεσσπλευράν spatia; at sic temperes manum, vt musculorum fibris & vasis minimum noceas.

I V.

CAVE tamen sit conscia temeritatis celeritas. Hinc Scylla, illinc Charybdis quam fugias. Medium si tenueris tutissimus ibis. Ni enim αἰτίαι succuratur dum viscera intestinâ labe vacant, oleum & opera perditur, perit naturæ vigor qui magna potentia solus, vtilemque aliàs operam secuta fata infamant. Citò aggredi decet, at vacuare partitò; benè memorem non solùm integrò sanguine, sed putri

etiam ichore & tabô vitam sustineri. Vt purpuream vomunt animam *πρηματίας*, sic plurimâ sanie confectim effusâ expirant *πρωματίας*. Adeò miserum vitam debuisse morbo, visaque sæpius functior alieni feri, quàm benigni humoris vacuatio.

V.

SIC, quam vrget hydrops opem, vitæ studium sufflaminare debet: frustra es si tibi aliæ quæruntur artes, quibus res ægri in vado collocentur. Frustra fero exhauriendo vacauerit infelix Diatritariorum opera. Suas adhibuerint Communitates Methodici. Μετασυγκεικλιώ άζωγλιώ Empirici induxerint. Sic reliquum illi omnes naturæ fundum dilapidant, fraudant genium, majore vi aquarum præfocare vitalia imprudentius satagunt. Ficulneum etiam in Purgantibus præsidium, in Mochlicis venenum plurimum doctus periculis protinùs experiere; vix vlli quippè salutaris vsquam extitit alui proluuies. Perirrhœa insolentior quidem, at potior votis. Omne vna feret punctum Sectio, quæ securitati addit gratiam jucundæ celeritatis, certæ & inoffensæ valetudinis Sœteria.

Ergo Hydropi pectoris, Sectio.

DOMINI DOCTORES DISPUTAVRI.

M. Io. Baptista Moreau,	M. Antonius Morand,	M. Claudius Lienard.
Reg. Prof.	Decanus.	M. Petrus de Beauvains.
M. Eusebius R. naudot.	M. Ioannes Hamon.	M. Fr. Guemault, Antiquior Schola
M. Isaac Renaudot.	M. Simon Boulot.	Mag. & Regina Christ. Archiatet.

Proponebat Lutetiæ HIPOLYTUS DV VAL,
Pontifaranus, A. R. S. H. M. DC. LXIII.